



三因方

九三子

十武
528
6



武
828
6

武
828
6

三因極一病證方論卷之九

胃痞證治

痛者心下堅，滿痞急痛，肌中苦痺，緩急如刺，不得俛仰，其胃前皮皆痛，手不得犯，胃中幅幅而痛，短氣欬唾，引痛咽塞，不利，習習如痒，喉中乾燥，時欲吐，嘔煩悶，白汗時出，痛引徹背，不治則數日殺，入病名胃痞，由下虛極，氣上控膈，使然，其脉陽微陰結。

悶

枳椇 去穰取子炒香熟 留皮與穰別用

枳殼 麩炒去穰 各等分

小
文
集

森氏開萬
冊府之乾

武
828
6

右二味為細末先取括樓皮穰研末水熬成膏和
二物末為丸如梧子大熱熱水下二十五圓日二
食後服

橘皮生薑湯治胃痞胃中噎塞悞悞如滿習習如痒

喉中澁咳唾燥末

橘皮 一兩

枳實

麩炒去穰二錢

生薑 半兩

右為剉散分二服水二盞煎七分為一服去滓食

前

梔子湯治胃痞切痛方

此方與倉卒散製不同故別出之

梔子

二兩燒存性

附子

炮二兩

右為剉散每服三錢水一大盞薤白三寸同煎至
五分食前溫服

健忘證治

脾主意與思意者記所往事思則兼心之所為也故
論云言心未必是思言思則必是心破外人議思心
同時理甚明也今脾受病則意舍不清心神不寧使
入健忘盡心力思量不來者是也或曰常常喜忘故
謂之健忘二者通治

小定志圓治心氣不足五臟不足甚者憂憂愁愁不
樂忽忽喜忘朝差暮劇暮差朝發及因事有所大

驚夢寐不祥登高涉險致神魂不安驚悸恐怯

菖蒲炒 遠志去心姜汁 茯苓

茯神 人參各三兩 辰砂為衣

右為末蜜圓如梧子大每服五十九丸米湯下一方

去茯神名開心散飲服二錢匕不以時方

菖蒲益智圓治喜忘恍惚破積聚止痛安神定志聰

明耳目

菖蒲炒 遠志去心姜汁 人參 桔梗炒

牛膝酒浸各一分 桂心三分 茯苓一分 附子炮去皮臍一分

右末蜜丸如梧子大每服二十九丸溫酒米湯下食

前服

虛煩證治

虛煩者方論中所謂心虛煩悶是也太抵陰虛生內
熱陽盛生外熱外熱曰燥內熱曰煩此不分而分也
傷寒太病不復常霍亂吐瀉之後皆使人心虛煩悶
婦人產後多有此病其證內煩身不覺熱頭目昏疼
口乾咽燥不渴清清不寐皆虛煩也方例有虛煩近
傷寒之說不可不辨又平人自汗小便頻併遺泄白
濁皆憂煩過度之所致傷寒屬外因憂煩屬內因霍
亂兼不內外因學者當辨析而調治

淡竹茹湯治心虛煩悶頭疼短氣內熱不解心中悶
亂及婦人產後心虛驚悸煩悶欲絕

麥門冬去心 小麥各二兩半 甘草灸一兩 人參

白茯苓各一兩半 半夏湯洗七次二兩

右為劉散每服四太錢水二盞姜七片棗三箇淡
竹茹一塊如指大煎七分去滓食前服虛勞煩悶尤宜服之

溫膽湯治大病後虛煩不得眠此膽寒故也此藥主

之又治驚悸

半夏湯洗七次 竹茹 枳實麩炒去穢各二兩 陳皮三兩

甘草一兩 茯苓一兩

右為劉散每服四太錢水一盞半姜五片棗一枚
煎七分去滓食前服

酸棗仁湯治霍亂吐下增劇虛勞煩擾奔氣在胃中
不得眠或發寒熱頭疼暈悶

酸棗仁炒一兩三分 人參 桂心各一分 知母

茯苓各三錢 石膏煨半兩 甘草灸二錢

右劉散每服四錢水一盞半姜三片棗一枚煎七
分去滓食前服

五痿叙論

夫人身之有皮毛血脉筋膜肌肉骨髓以成形內則有肝心脾肺腎以主之若隨情妄用喜怒不節勞佚兼并致內藏精血虛耗榮衛失度發為寒熱使皮血筋骨肌肉痿弱無力以運動故致痿躄狀與柔風脚弱皆相類以脉證并所因別之不可混濫柔風脚氣皆外所因痿躄則屬內臟氣不足之所為也審之

五痿證例

病者肺熱皮虛弱薄著足痿躄其色白而毛敗名曰皮痿由肺熱葉焦使然也肺為五臟長有所失土所承不得則發肺鳴肺鳴則肺葉焦論曰五臟因肺熱

焦發為痿躄

病者心下熱膝腕樞紐如折去而不相提挈脛筋縱緩不能任其地其色赤而絡脉溢名曰脉痿由悲哀太甚陽氣內動數洩血故本病論曰大經空虛發為肌痺傳為脉痿

病者肝熱口苦筋膜乾筋急而攣其色蒼而爪枯名曰筋痿由思想無窮所願不得意溢於外入房太甚宗筋弛縱及為白淫故下經曰筋痿者生於肝使內也

病者脾熱胃乾而渴肌肉不仁其色黃而肉蠕動名

曰肉痿由漸於濕地以水為事居處下澤濡漬痺而不仁故下經曰肉痿者得之濕地也
病者腎熱腰脊不舉骨枯而髓減其色黑而齒槁名曰骨痿因有所遠行勞倦過太熱而渴陽氣內之熱舍於腎致水不勝火則骨枯而髓虛故下經曰骨痿者生於太熱也

五痿治法

諸治痿法當養陽明與衝脈陽明主胃乃五臟六腑之海主潤宗筋束骨以利機關衝脈者諸經之海主滲灌谿谷與陽明合養於宗筋會於氣衝屬於帶脈

絡於督脈故陽明虛則宗筋縱帶脈不引故足痿不用也治之各補其勞而通其輸調其虛實和其逆順至筋脈骨肉各得其旺時病乃已矣

加味四斤丸治腎臟肝虛熱淫於內致筋骨痿弱不自勝持起居須人足不任地驚恐戰掉潮熱時作飲食無味不生氣力諸虛不足

- 茯苓 酒浸
 - 牛膝 酒浸
 - 天麻
 - 木瓜乾
 - 鹿茸 燉去毛 切酥炙
 - 熟地黃
 - 兔絲子 酒浸通軟 別研細
 - 五味子 酒浸各等分
- 右為末蜜丸如梧子大每服五十丸温酒米湯食

前下一法不用五味子有杜仲

麋角丸治五痿皮緩毛痺血脉枯槁肌肉薄著筋骨
羸弱飲食不滋庶事不興四肢無力爪枯髮落眼
昏唇燥疲憊不能支持

麋角

鎊一斤酒浸一宿

熟地黄

四兩

大附子

生去皮脂一兩半

右用大麥米二升以一半藉底一半在上以二布
巾隔覆炊一日取出藥與麥別焙乾為末以浸藥
酒添清酒煮麥粉為糊搜和得所拌二千下丸如
梧子大每服五十丸溫酒米湯任下食前服

王啓玄傳玄珠先生耘苗丹三方序曰張長沙戒人

妄服燥烈之藥謂藥勢偏有所助勝尅流變則真病
生焉猶憫苗不長而掘之者也若稟氣受血不强合
服此而不服反忽畧之是不耘留者也

上丹養五臟補不足秘固真元拘調二氣和暢榮衛
保神守中久服輕身耐老健力能食明目降心火
交腎水益精氣男子絕陽庶事不堪女子絕陰乃
不能姪腰膝重痛筋骨衰敗面色黧黑心勞志昏
寤寐恍惚煩憤多倦餘瀝夢遺膀胱邪熱五勞七
傷肌肉羸瘠上熱下冷難在補藥服之半月陰陽
自和容色肌肉光潤悅懌開心憶安魂魄消飲食

養胃氣

五味子斤半 百部酒浸一宿焙 兔絲子酒浸別研 肉蓯蓉酒浸

杜仲炒斷 巴戟去心 遠志去心 枸杞子

防風去叉 白茯苓 蛇床子 山藥 栝子仁別研各二兩

右為末蜜丸梧子大食前溫酒鹽湯任下二十九丸

春煎乾棗湯夏加五味子四兩四季月加蓯蓉六兩

兩秋加枸杞子六兩冬加遠志六兩食後兼服衛生湯

衛生湯

補虛勞強五臟除煩養真退邪熱順血脈緩

中安和神志潤澤容色常服通暢血脈不生癰瘍

養胃益津

當歸 白芍藥各四兩 黃芪八兩 甘草灸一兩

右為剉散每服四錢水盞半煎七分去滓不以時

年老加酒半盞煎

中丹 補百損體劣少氣善驚昏憤上焦客熱中皖冷

痰不能多食心腹弦滿脾胃氣衰精血妄行容色

枯悴

昔莖 白芍藥 當歸各四兩 白茯苓

人參 桂心各二兩 川椒炒出汗 大附子炮去皮

昔琴各一兩為末姜汁和作餅

右為末粟米飲搜和得所搗千杵丸如梧子大酒
飲任下三五丸食前服

小丹補勞益血去風冷百病諸虛不足老人精枯神
耗女子絕傷新緒久服益壽延年安寧神志魂魄
流滋氣血脈絡開益智釋散風濕耳目聰明筋
力強壯肌膚悅懌氣宇泰定

熟地黄

肉苁蓉

五味子

鬼絲子

酒浸各五兩

栝子仁別研

天門冬

蛇床子

覆盆子

巴戟去心

石斛

續斷

澤瀉

人參

山藥

遠志

去心炒焦

山茱萸

菖蒲

桂心

白茯苓

杜仲

剉炒絲斷各二兩

天雄

炮去皮臍一兩

煉成鍾乳粉

扶衰三兩續老二兩常調一兩氣完則刪去

右為末蜜丸如梧子大食前酒服三十丸至五十

丸忌五辛生葱羌莢錫鯉虛人多起去鍾乳倍地

黃芩倍遠志茯苓少氣神虛倍覆盆子欲光澤

倍栝子仁風虛倍天雄虛寒倍桂心小便赤濁二

倍茯苓一倍澤瀉吐逆倍人參

芎桂散治四肢疼痛軟弱行履不便方見中風門

藿香養胃湯治胃虛不食四肢痿弱行立不能皆由

陽明虛宗筋無所養遂成痿躄

藿香 白朮 白茯苓 神麴炒

烏藥去木 縮砂仁 薏苡仁炒 半夏麴

人參各半 葶澄茄 甘草各三分

右為麤末每服四錢水一盞半生姜五片棗二枚同煎七分去滓不以時服

失血叙論

夫血猶水也水由地中行百川皆理則無壅決之虞血之周流于人身榮經府俞外不為四氣所傷內不為七情所鬱自然順適万一微爽節宜必至壅閉故血不得循經流注榮養百脉或泣或散或下而亡友

或逆而上溢乃有吐衄便利汗痰諸證生焉十種走失無重於斯隨證別之乃可施治

外因衄血證治

病者因傷風寒暑濕流傳經絡陰陽相勝故血得寒則疑泣得熱則淖溢各隨臟腑經絡湧泄于清氣道中衄出一升一斗者皆外所因治之各有方

桂枝栝樓根湯治傷風汗下不解鬱于經絡隨氣湧泄衄出清血或清氣道閉流入胃管吐出清血遇寒泣之色必瘀黑者

桂心 白芍藥 栝樓根 甘草 川芎各等分

右為劉散每服四大錢水一盞半姜三片棗一枚煎至七分去滓服頭痛加石膏

麻黃升麻湯治傷寒發熱解利不行血隨氣壅世謂

紅汗者是也

麻黃去節湯

升麻一分

黃芩

芍藥

甘草生

石膏煨

茯苓各一兩

右劉散每服四大錢水一盞半姜三片煎七分去滓熱服微汗解

五苓散治伏暑飲熱暑氣流入經絡壅溢發衄或胃氣虛血滲入胃停留不散吐出一二升許方見傷暑門治

衄則以茱萸煎湯下屢用得効

除濕湯治冒雨著濕鬱于經絡血溢作衄或脾不和

濕著經絡血流入胃胃滿吐血各一兩

茯苓

乾姜各四錢

甘草炙

白朮各二錢

右為劉散每服四錢水一大盞煎六分去滓服頭疼加川芎二錢最止浴室中發衄

內因衄血證治

病者積怒傷肝積憂傷肺煩思傷脾失志傷腎暴喜傷心皆能動血蓄聚不已停留胃間隨氣上溢入清氣道中發為鼻衄名五臟衄

止衄散治氣鬱發衄無比神方

黃芪 六錢 赤茯苓 白芍藥 各三錢 當歸

生乾地黃 阿膠 各三錢

右為細末煎黃芪湯調下二錢七未_レ知再作

不内外因證治

病者飲酒過多及啖炙燂五辛熱食動於血血隨氣溢發為鼻衄名酒食衄或墮車馬打撲傷損致血滲溢發為鼻衄名折傷衄

加味理中圓治飲酒過多及啖炙燂熱食動血發為

鼻衄

人參 白朮 甘草 乾姜 炮

乾葛 川芎 各等分

右為剉散每服四錢水一盞煎七分去滓溫服

花藥石散治一切金瘡打撲傷損犬咬傷並於傷處糝傳或內損血入臟腑壅溢作衄及婦人產後敗血不散

花藥石 研細 上色硫黃 研細

右二味拌勻入藏瓶中以紙筋搗黃泥固濟候乾焙令熱透以磚藉用白炭一秤頂上發火燒灰盡候冷取出再研極細諸臟傷及婦人產後瘀血不

行並用童子小便溫酒調一二錢七取瘀血即效

白及散治鼻衄立效

白及不拘多少

右為末冷水調用紙花貼鼻竅中一方用黃膠湯

令軟貼鼻竅中

三因吐血證治

病者諸血積聚合發為衄而清氣道閉濁道湧溢疑
停胃胃中因即滿悶吐出數斗至于一石者名曰內
衄或因四氣傷于外七情動于內及飲食房勞墜
傷損致榮血留聚膈間滿則吐溢世謂妄行

桂枝拈樓湯治傷風吐血 **五苓散**治傷暑吐血 **除濕**

湯治傷濕吐血 三方並見外因血證治

金屑丹治三因吐血及衄血下血一切血溢妄行

葉子雌黃

右一味為麤末入棗肉內線繫定蒲著湯煮用黑
錫對雌黃斤兩鎔作汁頗入湯煮一日添湯候冷
取出雌黃洗淨乾研為細末却以煮藥棗肉和丸
如梧子大每服五七丸黑錫煎湯下

傷胃吐血證治

病者因飲食過度傷胃或胃虛不能消化致翻嘔吐

逆物與氣上衝，蹙胃口決裂，所傷吐出，其色鮮紅，心腹絞痛，白汗自流，名曰傷胃吐血。

理中湯能止傷胃吐血者，以其功最理中，皖分利陰陽，安定血脉，方證廣如局方，但不出吐血，證學者當自知之。

人參 白朮 甘草 白姜 炮各等分

右為劉散，每服四錢，水一盞煎七分，去滓，不以時服，或只煮乾姜甘草湯飲之，亦妙。方見養生必用肺疽吐血證治。

病者因飲啖辛熱燥傷肺血，得熱則溢，因作嘔吐。

出血一合或半升許，名曰肺疽傷於府，則屬胃傷於臟，則屬肺。右以此分不可不究。

二灰散 治肺疽吐血并妄行。

紅棗 和核燒 存性 百藥煎 煨各等分

右為細末，每服二錢，米湯調下。

折傷吐血證治

病者因墜閃胸致傷，五臟損裂，出血停留，中皖臟熱，則吐鮮血，臟寒則吐瘀血，如豆羹汁。此名內傷，治之各有方。

加味芎藭湯 治打撲傷損，敗血流入胃皖，嘔吐黑血。

或如豆羹汁

川芎

當歸

白芍藥

百合

水浸半日

荆芥穗

各等分

右為劉散每服四錢水一盞酒半盞同煎七分去滓不以時服

折傷瘀血證治

不
上
之
疑
字

病者有所墜墮惡血留內或因大怒肝血併濕停蓄不散兩脇疼痛脚善痠骨節時腫氣上不上皆由瘀血在內治之各有方

雞鳴散治從高墜下及木石所壓凡是傷損血瘀凝積氣絕欲死并久積瘀血煩躁疼痛叫呼不得並

以此藥利去瘀血即愈此藥推陳致新治折傷神效

大黃

壹兩酒蒸

杏仁

三七粒去皮尖

右研細酒一盞煎至六分益裂去滓雞鳴時服次日取下瘀血即愈若便覺氣絕不能言取藥不及急壁口開以熱小便灌之

病餘瘀血證治

病者或因發汗不徹及吐衄不盡瘀蓄在內使人面黃唇白大便黑脚弱氣喘甚則在悶皆瘀血所致治之各有方

犀角地黄湯治傷寒及溫病應發汗而不汗內蓄為
瘀血及鼻衄吐血不盡餘血停留致面黃大便黑
犀角 一兩 生地黃 八兩 芍藥 三兩 牡丹皮 二兩
右為剉散每服四錢水一盞半煎七分去滓狂者
加大黃二兩黃芩三兩其人脈大來遲腹不滿自
言清為無熱但依方不須加也

汗血證治

病者汗出正赤汚衣名曰汗血皆由大喜傷心喜則
氣散血隨氣行婦人產褥多有此證
律草汁治產婦大喜汗出汚衣赤色及膏淋尿血

律草 不拘多少

右搗取汁二升醋二合和空腹飲之不盃或濃煮汁
飲亦治淋瀝尿血

便血證治

病者大便下血或清或濁或鮮或黑或在便前或在
便後或與泄物並下此由內外有所感傷凝停在胃
隨氣下通亦妄行之類故曰便血

伏龍肝湯治先便後血謂之遠血兼治吐衄

- 伏龍肝 半斤
- 甘草 炙
- 白朮
- 阿膠
- 乾地黄 千金作 乾姜
- 黃芩 各三兩

鮮當
作鮮

醫方卷之九

右為劉散每服五錢水一盞煎七分去滓空腹溫服一法有附子三兩炮入

當歸赤小豆散治先血而後便謂之近血

赤小豆

五兩浸令芽出曬乾一法熬令折

右為未漿水服方寸匕日三四服

風痢下血證治

病者因風停於胃腸乘虛入腸胃風動血故便清血或下瘀血注下無度名曰風利古方以此為蠱痢非也

胃風湯治大人小兒風冷乘虛入客腸胃水穀不化

泄瀉注下及腸胃濕毒下如豆汁或下瘀血日夜無度

人參

白茯苓

芎藭

桂心

當歸

白芍藥

白朮

右等分為劉散每服四錢水一盞半入粟米百餘粒同煎七分去滓空心稍熱服

料簡

夫便血有腸痔蠱毒熱痢酒痢血枯肺痿等別有門類其如風痢亦當在痢門以純下清血故附于此不可不知

尿血證治

病者小便出血多因心腎氣結所致或因憂勞房室過度此乃得之虛寒故養生云不可專以血得熱為淖溢為說二者皆致尿血與淋不同以其不痛故屬尿血痛則當在血淋門

髮灰散治小便尿血或先尿而後血或先血而後尿

亦遠近之謂也

髮灰 本草云能消瘀血通開格利水道破癥瘕癰腫狐尿刺尸疰雜療轉胞通大小便止咳

右一味每用二錢以米醋二合湯少許服服并花

水調亦得兼治肺疽心衄內崩吐血一兩口或舌上血出如針孔若鼻衄吹內立已一法櫻櫚燒灰米飲調下大治大小便下血又一法同葵子等分為末飲服二錢治轉胞尤妙

玉屑膏治尿血并五淋砂石疼痛不可忍受者

黃芪 人參 各等分

右為末用蘿蔔大者切一指厚三指大四五片蜜淹少時蘸蜜炙乾復蘸盡蜜二兩為度勿令焦炙熟點黃芪人參末喫不以時仍以鹽湯送下

癥瘕證治

癥瘕證治

癥瘕積聚隨氣血以分門故方云以癥瘕屬肝部積聚屬肺部不亦明矣况七者火數屬心蓋血生於心八者木數屬肝蓋血歸於肝雖曰強分理似不混夫癥者堅也堅則難破瘕者緩也假物成形然七癥八瘕之名經論亦不詳出雖有蛟龍蛇鱉肉髮蟲米等七證初非定名偶因食物相感而致患耳若婦人七癥八瘕則由內外不內外因動傷五臟氣血而成古

人將婦人病為瘕疾以蛟龍等為生瘕然亦不必如此執泥婦人瘕瘕並屬血病龍蛇魚鱉等事皆出偶然但飲食間誤中之留聚腹臟假血而成自有活性亦猶水微中僧病噎者腹有一物其狀如魚即生瘕也與夫宿血停凝結為疝塊雖內外所感之不同治法當以類相從所謂醫者意也如以敗梳治蟲瘕銅屑治龍瘕麩藥治米瘕石灰治髮瘕如此等類方論至多不復繁引學者可以理解

大消石圓治七癥八瘕聚結疝塊及婦人帶下絕產并欲服丹藥腹中有癥瘕者當先下之此藥但去癥瘕不令久困

消石 陸兩 大黃 枳兩 人參 甘草 各參兩 右為末以三年苦酒三升置銅器中以竹作准每

一升作一刻，柱器中先內大黃常攪不息使微沸，盡一刻乃內餘藥又盡一刻極微火熬使可元則圓如雞子中黃若不能服大丸則作小丸如梧子大米湯下三十圓四日一服婦人服之或下如雞肝或如米泔正赤黑等三二升下後忌風冷自養如產婦

小三稜煎治食癥酒癖血痕氣塊時發刺痛全不思食及積滯不消心腹堅脹痰逆嘔噦噎酢吞酸脇助刺痛胃膈痞悶并脾氣橫泄

京三稜 蓬莪木 各肆兩 芫花 壹兩 去梗葉

右同入篋器中用米醋伍升浸滿封器口以灰火煨令乾取出稜木將芫花以餘醋炒令微焦焙乾為末醋糊丸如菽豆大每服十五圓生姜湯下婦人血分男子脾氣橫泄腫滿如水用桑白皮煎湯下

三聖圓治積年癥瘕癖塊諸藥療理不差至效

舶上硫黃 壹兩 水銀 半兩 硃砂 壹分 去砂石

右三物乳盆內裹研如粉却以生鐵銚內用文武火熬鎔成汁以火筋攪令勻停冷力剗下以帛裹置地坑內埋一宿取出再研細次以

赤芍藥 當歸 荆三稜 蓬莪木 紅花 各壹分 同用

並細剉以法酒壹升煎及一半漉出砂盆內研生布裂汁再熬放冷入飛羅麵為糊搜丸如菘豆大治因產後傷於飲食結伏在腹脇時發疼痛不可忍者當歸浸酒一升逐旋取酒煖下七圓至于圓每服磨碎塊空心溫酒下二圓至五圓所是藥滓裂了焙乾為末別入

乾地黄 兩半 真蒲黃 芫花 各一分 醋炒焦黃 右為末以前一般糊圓如菘豆大治女人血臟冷氣攻心疼及一切血疾溫酒下十九丸

壹握七圓 治臟腑宿蘊風冷氣血不和停滯宿飲結

為癥瘕杯塊及婦人血瘦腸胃中塞飲食不下效逆脹滿及下痢赤白霍亂轉筋及踠臂拳攣腰脊脚膝疼痛行步不能常服建脾暖胃堅骨強陽

神麴 半斤 炒黃 大附子 二隻炮 去皮臍 甘草 二兩 炙 右末蜜丸每左手一握分作七圓每服一圓細嚼米飲下

妙應丹 治諸臟氣虛積聚煩悶及飲食中蠱毒或食

水陸菓蒜子卵入腹而成虫蛇魚鱉或宿食留飲婦人產後敗血不消女子月水不通結為癥瘕時

發寒熱唇口焦黑肢體瘦削嗜卧多靡食小腹痛

大便糟粕變成冷痢上

附子四箇六七錢重者生去皮臍剉作瓮入硃砂共一兩七錢半麪劑暴煨熟去麪不用

葶藶木香炮 青皮 破故紙 炒各三兩半

右為末麪糊搜丸如梧子大每服三十圓生姜橘皮湯下泄利米湯下加至五十圓

癩癩叙論

夫癩癩病皆由驚動使臟氣不平鬱而生涎閉塞諸經厥而乃成或在母胎中受驚或少小感風寒暑濕或飲食不節逆於藏氣詳而推之因備具風寒暑

濕得之外驚恐震攝得之內飲食飢飽屬不內外三因不同性氣則一傳變五臟散及六腑溢諸絡脉但一臟不平諸經皆閉隨其臟氣證候殊分所謂象六畜分五聲氣色脉證各隨本臟所感所成而生諸證古方有三癩五臟癩六畜癩乃至一百二十種癩以其稟賦不同臟腑強弱性理躁靜故諸證蜂起推其所因無越三條病由都盡矣

癩癩證治

病者旋暈顛倒吐涎沫搐搦騰踴作馬嘶鳴多因挾熱者驚心動膽攝鬱涎入心之所致也名曰馬癩

以馬屬在午手少陰君火主之故其病生于心經病者暈眩四肢煩疼昏悶顛倒掣縱吐沫作羊叫聲多因少小臍瘡未愈數洗浴濕襲脾經之所致也名曰羊癇以羊屬未坤位足太陰濕土主之故其病生于脾經病者昏暈顛倒兩手頻伸叫作雞聲須臾即醒醒後復發多因少小燥氣傷胃煩毒內作鬱涎入胃之所致也名曰雞癇以雞屬酉足陽明燥金主之故其病生于胃經病者眩暈顛倒眼自相引牽縱急強作猪叫鳴吐涎沫食頃方已多因少小吐利按風之所致也名曰猪癇以猪屬亥手厥陰心胞風木主之

故其病生于右腎經病者眩暈顛倒目反口噤癰縱吐沫作牛吼聲多因少小濕熱傷肺涎留肺系遇燥熱則發動名曰牛癇以牛屬丑手太陰濕土主之故其病生于肺經

六珍丹治風癇失性顛倒欲死或作牛吼馬嘶雞鳴羊叫猪啤等聲腑臟相引氣爭掣縱吐沫流涎久而方蘇

通明雄黃 葉子雌黃 未鑽真珠 各一兩
 鈎成屑 丹砂 半兩 水銀 一兩半
 右研令極勻蜜丸如梧子大每服三丸至五丸姜

棗湯下須搗二三萬杵乃可丸

礬丹 治五癩百癩無問陰陽冷熱

獨丹 晉礬 各一兩

右用磚鑿一窠可容二兩許先安丹在下次安礬在上以白炭五斤煨令炭盡取出細研以不經水猪心血為丸如菘豆大每服十九至二十九丸橘皮湯下

大鎮心丹 治一百二十種癩癩驚狂譫妄癩倒昏不知人嘔吐涎沫及治心驚膽寒清清不睡或左脇偏疼

辰砂 用黃松節酒煮 龍齒 用遠志苗醋煮

右只取辰砂龍齒各等分為末猪心血為丸如雞頭大每服一圓以麥門冬葉菘豆燈心生薑白蜜水煎豆熟為度臨卧嚥下小兒磨化半圓量歲數與之

蛇黃丹 治五臟六腑諸風癩癩掣縱吐涎沫不識人

及小兒急驚風
蛇含 四枚建盞內煨紅以猪樹汁一椀淬乾 天南星 炮
白附子 辰砂 別研 麝香 別研 各半兩
右為末糯米糊丸如梧子大每服溫湯磨化一圓

量大小與服大人嚼細三五圓溫酒米湯任下

凡例

夫五癰合屬五臟而無腎有胃者以腎屬鼠非畜養物神無主治故不作癰胃屬雞係六畜物故有象兼胃為五臟海非餘府也又大屬戌毛太陽小腸經主之雖屬六畜初無大癰者以辰戌為魁罡四殺沒處不與癰象古方類例未之究也學者宜知之

狂證論

夫三陽并三陰則陽虛而陰實故癲三陰併三陽則陰虛而陽實故狂論曰陽入陰其病靜陰入陽其病

怒怒則狂矣病者發狂不食棄衣奔走或自稱神聖登高築歌踰牆上屋所至之處非人所能罵詈妄言不避親屬病名狂多因陽氣暴折畜怒不決之所致故經曰陽明常動太陽少陽不動不動而動為大疾此其候也

鎮心丹

治心氣不足病苦驚悸自汗心煩悶短氣喜

怒悲憂恐不自知亡魂失魄狀若神靈所憑及治

男子遺泄女子帶下

光明辰砂 研

白礬

煨汁盡 各等分

右為末水丸如雞頭大每服一丸煎人參湯下食

後服

大補心丹 治憂思慮過多致神志不寧魂魄失守
虛陽外泄則自汗嘔吐瀉利頻數諸陰不生則語
言重複心忪眩暈兼治大病後虛煩不得眠羸瘦
困乏及婦人胎前產後悉能主之常服安心神調
血脉鎮驚補虛

黃芪

蜜炙

茯神

人參

酸棗仁炒

熟地黃

各一兩

遠志

去心炒

五味子

栝子仁

各半兩別研

右為末蜜丸如梧子大用辰砂為衣每服三十圓
米湯溫酒任下盜汗不止麥麩湯下亂夢失精人

參龍骨湯下卒暴心痛乳香湯下肌熱虛煩麥門
冬湯下吐血人參卷柏湯下大便下血當歸地榆
湯下小便尿血赤茯苓湯下中風不語薄荷牛黃
湯下風癩涎潮防風湯下**礬丹**亦治狂方見癩癇
門

凡傷寒陽毒及蓄瘀血皆發狂各見本門

九痛叙論

夫心痛者在方論則曰九痛內經則曰舉痛一曰卒
痛種種不同以其痛在中脘故揔而言之曰心痛其
實非心痛也若真心痛則手足青至節若甚且發晝

死晝發夕死不在治療之數方中所載者乃心主包絡經也若十一經絡外感六淫則其氣閉塞鬱于中焦氣與邪爭發為疼痛屬外所因若五臟內動汨以七情則其氣痞結聚于中脘氣與血搏發為疼痛屬內所因飲食勞逸觸忤非類使臟氣不平痞滿于中食飲通症變亂腸胃發為疼痛屬不內外因治之當詳分三因通中解散破積潰堅隨其所因無使混濫依經具錄諸證以備治法云爾

外所因心痛證治

足厥陰心痛兩脇急引小腹連陰股相引痛手心主

心痛徹背心煩掌中熱咽乾目黃赤脇滿足太陰心痛腹脹滿瀰瀰然大便不利鬲閉咽塞手太陰心痛短氣不足以息季脇空痛遺失無度胃滿煩心足少陰心痛煩劇面黑心懸若肌胃滿腰脊痛背輸諸經心痛心與背相引心痛徹背背痛徹心諸府心痛難以俛仰小腹上衝卒不知人嘔吐泄瀉此皆諸經諸俞諸府涉邪所致病屬外所因

內所因心痛證治

肝心痛者色蒼蒼如死灰狀終日不得大息真心痛者手足青至節且發夕死夕發旦死脾心痛者如針

錐刺其心腹蘊蘊然氣滿肺心痛者若從心間起動
作痛益甚色不變腎心痛者與背相引善噫如物從
後觸其心身偃俛胃心者腹脹滿不下食食則不消
皆臟氣不平喜怒憂鬱所致屬內因

不內外因心痛證

久積心腹痛者以飲啖生冷菓實中寒不能消散結
而為積甚則數日不能食便出乾血吐利不定皆由
積物容於腸胃之間遇食還發名積心痛及其臟寒
生就致心痛者心腹中痛發作腫聚往來上下痛有
休止腹熱涎出病屬不內外因方證中所謂九種心

痛曰飲曰食曰風曰冷曰熱曰悸曰虫曰注曰去來
痛者除風熱冷屬外所因餘皆屬不內外更婦人惡
血入心脾經發作疼痛尤甚於諸痛更有卒中客忤
鬼擊尸疰使入心痛亦屬不內外因

三因心痛摠治

蜜附湯治心腹疼痛或吐或泄狀如霍亂及療胃涉
濕寒賊風入腹拘急切痛

附子生去皮臍切作四片以白蜜煎令
附子變色以湯洗去蜜切半兩

桂心芍藥各三
甘草灸四錢

右為劉散每服四大錢水一盞姜五片棗二枚煎

七分去滓食前大便秘結入白蜜半匙同煎

麻黃桂枝湯治外因心痛惡寒發熱內攻五臟拘急

不得轉動

麻黃去節湯浸焙乾

桂心

白芍藥

細辛去苗

乾姜炮

甘草炙各三分

半夏湯洗七次

香附炒去毛各半兩

右為剉散每服四大錢水盞半姜五片煎七分去

滓食前服大便秘入大黃如博碁大兩枚煎

加味小建中湯治心腹切痛不可忍按輕却痛按重

則愈皆虛寒證服熱藥并針灸不差此藥主之

桂心三分

甘草炙半兩

白芍藥一兩

遠志去心半兩

右為剉散每服四大錢水一盞半姜五片棗一枚煎七分去滓入錫糖一塊如皂夾子大煎令饒食前溫服

雞舌香散治心腹卒痛安會進食調冷熱定泄瀉老少通用

少通用

丁香一枚

甘草半兩

高良姜一兩

白芍藥二兩

右為細末每服二錢匕陳米飲調下空心食前服王啓玄子序云初余為禁隊因此證處與御醫使令施用後至富貴乃由此始

訶子散治心脾冷痛不可忍一服見效及老幼霍亂

吐瀉其効如神

訶子

炮去核

甘草

厚朴

姜製炒

乾姜

炮

草菓

去皮

陳皮

良姜

茯苓

神麴

炒

麴蘗

炒各等分

右為末每服二錢候發刺不可忍時用水一盞煎七分入鹽服如速則鹽點

九痛圓

治九種心痛虫痛疰痛風痛悸痛食痛飲痛

冷痛熱痛往來痛兼治卒中惡腹脹痛口不能言

又治連年積冷流在心胃免冷腫痛上氣落馬墜

車瘀血等疾

附子

三兩炮去皮臍

狼毒

炙香

巴豆

去皮心膜炒秤一兩

人參

乾姜

吳茱萸

浸洗各一兩炒

右為末煉蜜丸如梧子大每服空腹溫酒下三圓卒中惡心痛不能言服三圓

蘇合香丸

治傳屍骨蒸癘瘧肺痿疰疰鬼氣卒心痛

霍亂吐利時氣鬼魅瘴癘赤白暴利瘀血月閉瘵

癖丁腫驚癩鬼忤中人小兒吐乳太人狐狸等病

方

蘇合香油

入安息香內

薰陸香

別研

龍腦

各一兩

白朮

丁香

朱砂

研水

青木香

白檀香

沉香

烏犀

安息香

別為末用無灰酒一升熬膏

香附子 去毛

訶子 煨去核

麝香

草撥 各二兩

右為末用安息香等膏同煉蜜旋丸如梧子大早朝井花水溫冷任意化下四圓老人小兒一圓溫酒化服亦得辟邪用蠟紙裹一圓如彈子大縫袋盛帶之

撞氣阿魏丸治九種心痛五種噎疾痰癖氣塊冷氣

攷刺及脾胃停寒胃滿膨脹腹痛腸鳴嘔吐酸水丈夫小腸氣婦人血氣血刺等
阿魏 二錢半酒浸一宿以麩為糊
茴香 炒
川芎
青皮
陳皮
胡椒 二錢半
甘草

丁香皮 炒

蓬朮 各一兩炒

桂心

白芷 炒各半兩

生姜 四兩切作片用鹽一兩淹一宿炒黑色

右為末阿魏糊為圓如雞頭大每藥一斤用朱砂七錢為衣丈夫氣痛炒姜鹽湯下二粒至三粒婦人血氣醋湯下常服茶酒任下二粒並嚼細嚼食前

倉卒散治氣自腰腹間掣急疼痛不可屈伸腹中冷重如石痛不可忍白汗如洗手足冰冷久差無死方

山梔子 四十九箇連皮燒半過

附子 一枚炮去皮臍

右為末每服二錢酒一小盞入鹽少許煎七分溫服又治胃痞切痛

失笑散 亦見前病門

三因極一病證方論卷之九

[Faint bleed-through text from the reverse side of the page]

三因極一病證方論卷之十

勞瘵叙論

夫骨蒸殭殍復連屍疰勞疰蟲疰毒疰熱疰冷疰食疰鬼疰等皆曰傳屍者以疰者注也病自上注下與前人相似故曰疰其變有二十二種或三十六種或九十九種太略令人寒熱盜汗夢與鬼交遺泄白濁髮乾而聳或腹中有塊或腦後兩邊有小結核連復數箇或聚或散沉沉默默咳嗽痰涎或咯膿血如肺痿肺癰狀或復下利羸瘦困乏不自勝持積月累年以至於死死後乃疰易傍人乃至戒門者是也更有

輩戶道戶寒戶喪戶尸注等謂之五尸及大小附着
等證不的知其所苦無處不惡乃挾諸鬼邪而害人
以三因收之內非七情所忤外非四氣所襲雖若麗
乎不內外因柰其證多端傳變遷移難以推測故自
古及今愈此病者十不得一所謂狸骨懶肝天靈蓋
銅鑑鼻徒有其說未嘗見效唯膏肓俞崔氏穴若聞
早灸之可否幾半晚既不濟也近集得經效方有人
服之頗驗謾錄于左餘缺以俟明哲

勞瘵諸證

病者增寒發熱自汗面白目乾口苦精神不守恐畏

不能獨卧其傳在肝病者增寒發熱面黑鼻燥怱怱
喜忘大便苦難或復泄瀉口瘡其傳在心病者增寒
發熱面青唇黃舌本強不能嚙飲食無味四肢羸瘦
吐涎沫傳在脾病者增寒發熱面赤鼻白乾燥毛折
咯嗽喘急時吐白涎或有血線傳在肺病者增寒發
熱面黃耳輪焦枯脰骨痠痛小便白濁遺瀝胸痛傳
在腎所謂勞瘵者二十四種隨證皆可考尋毛折髮
焦肌膚甲錯其蒸在皮外人覺熱自反惡寒身振臃
劇其蒸在肉髮焦鼻衄或復尿血其蒸在血身熱煩
燥痛如針刺其蒸在脉爪甲焦枯眼昏兩脇急痛其

蒸在筋版齒黑燥大杼酸疼其蒸在骨背脊疼痛肝
骨酸癢其蒸在髓頭眩熱悶口吐濁涎眼多眵淚其
蒸在腦男子失精女子白淫其蒸在玉房乍寒乍熱
中脘與臍中煩悶其蒸在三焦小便赤黃凝濁如膏
其蒸在膀胱傳道不均或秘或泄腹中雷鳴其蒸在
小腸大腹隱痛右鼻乾疼其蒸在大腸口鼻乾燥腹
脹睡卧不安白汗出其蒸在胃口苦耳聾脇下痛其
蒸在膽裏急後重肛門澁閉其蒸在回腸小腹疝痛
筋脉縱緩陰器自強其蒸在宗筋眼昏淚下時復眩
暈燥怒不常其蒸在肝舌焦黑氣短煩悶洒洒淅淅

其蒸在心唇乾口瘡胸腹脹悶畏寒不食其蒸在脾
咳嗽喘痛咯痰吐血聲嘶音遠其蒸在肺耳輪焦
枯脚氣酸疼起居不得其蒸在腎情想不寧無故精
泄白物綿綿而下其蒸在右腎心主胞絡心南噎塞
攻擊疼痛俛仰煩冤其蒸在鬲諸證雖曰不同其根
多有重齒其心肺治之不可不絕其根也

勞瘵治法

取勞瘵方

- 青桑枝
- 柳枝
- 石榴皮
- 桃枝
- 梅枝 各七莖每長四寸許
- 青蒿 一小握

右用童子小使一升半葱白七莖去頭葉煎及一
半去滓別入安息香阿魏各一分再煎至一盞漚
去滓調辰砂末半錢檳榔末一分麝香一字分作
二服調下五更初一服五更三點時一服至巳牌
時必取下虫色紅者可救青者不治見有所下即
進軟粥飯溫煖將息不可用性及食生冷毒物合
時須擇良日不得冷猫犬孝服噉惡婦人見

神授散治諸傳尸勞氣殺虫方得之於清源郡王府

川椒

二斤擇去子并
合口者炒出汗

右爲末每服二錢空心米湯調下須痺暈悶少頃

如不能禁即以酒糊爲丸如梧子大空心服三五
十九丸昔人嘗與病勞婦人交婦人死遂得疾遇一
異人云勞氣已入臟遂與此方令急服二斤其病
當去如其言服之幾盡大便出虫狀如蛇自此
遂安續有人服之獲安濟者多矣

潤神散

治勞瘵增寒發熱口乾咽燥自汗疲劇煩躁

人參

黃芪

甘草

桔梗

麥門冬

各等分

右爲末每服二錢水一盞煎七分不以時自汗入
淡竹葉小麥同煎

温金散治積勞咳嗽喘悶咯痰中有血

甘草 生用

黃芩

桑白皮

防風 去

杏仁

去皮尖以五味各一两米泔浸一宿取出握乾畧炒

麥門冬

一分 神 兩半

右為末每服二大錢水一盞入黃臘一片如指大

同煎至七分食後熱服

蛤蚧散治積勞久咳失音方

蛤蚧

壹對去口足温水浸去膜刮了血脉用好醋炙

訶子

煨去核

阿膠 炒

熟地黃

麥門冬

去心

細辛

去苗

甘草

炙各半兩

右為末蜜丸如皂子大每服一丸含化不拘時候

服

藕合香丸

治傳屍骨蒸殮殍肺痿疰忤鬼氣心痛霍亂時氣瘴癘等方 方見九痛門

此方盛行於世大能安氣却外邪凡病自內作不

曉其名者服之皆效最治氣厥氣不和吐利榮衛

關格甚有神效

疰忤中惡證治

病者卒心腹脹滿吐利不行如乾霍亂狀世所謂衛惡是也由人精神不全心志多恐遂為邪鬼所擊或復附着沉沉默默寢言謔語誹謗罵詈訐露人事不避譏嫌口中好言未然禍福及至其時毫髮无笑人

有起心已知其肇登高涉險如履平地或悲泣呻吟不欲見人其狀万端如醉如狂不可驟舉此皆鬼神及諸精魅附着惑人或復觸犯忌諱土地神靈為其所作非有真實但隨方俗攷驗治之方列于后

還魂湯

治卒中惡感忤鬼擊飛尸諸奄忽氣絕無復

覺知或已死絕口噤不開去齒下湯或湯入口不下者分病人髮左右捉蹈肩引之藥下復增取盡

一升須臾立蘇
麻黃去節湯三兩 桂去皮二兩 甘草一兩 杏仁去皮尖二

右剉散每服四大錢水一盞半煎七分去滓不以

時服

桃奴圓

治心氣虛有熱恍惚不常言語錯亂尸疰客

忤厭夢不祥小兒驚癇並宜服之

桃奴七枚別研 辰砂半兩別研 桃仁十四枚去皮麩

生玳瑁鎊過為末一兩 牛黃別研碎 龍腦別研

雄黃用桃葉煮水研飛取三分 黑犀石上以水磨澄去

麝香別研 安息香一兩以无灰酒甚酌多小研飛去

琥珀別研三分 砂銀器中入桃仁琥珀熬成膏

右為細末和入前膏丸如雞頭大陰乾密器封閉淨室安置煎入參湯研下二丸食後臨卧服

蘇合香圓治卒中惡忤症方見九痛門

蟲毒叙論

江南閩中山間人以蛇虺蜈蚣蠅蚰等百蟲同器畜之使其自相食啖勝者為靈以事之取其毒雜以菜菓飲食之類以害人妄意要福以圖富貴人或出之證狀万端廣如治百蟲說或年歲聞人多死又有人家香火伏事如家先者亦謂之蠱能病人世謂之蠱注以姓類屬五音謂之五蠱此皆邊鄙邪僻之地多有此事中都則蔑聞也

中蠱證治

夫中蠱毒者念人心腹絞痛如有物嚙吐下血皆如爛肉若不即治食入五臟即死驗之令病唾水沉即
是蠱有以行蠱毒以病人若欲知其姓名者以敗鼓皮燒作末飲服方寸匕須臾自呼蠱家姓名可語令呼喚將去則愈治之亦有方

丹砂圓治蠱毒從酒食中著者方端午日合

- 辰砂 別研
- 雄黃 別研
- 赤脚蜈蚣
- 續隨子 各一兩
- 麝香 一分
- 水飛

右為末糯米飲為丸如雞頭大若覺中毒即以酒下一丸蛇蝎所螫醋磨塗之

凡例

凡諸蠱毒音多是假毒藥以投之知時宜煮大豆甘草薺
荒汁飲之通除諸藥毒

礬灰散治中諸物毒

晉礬

建茶 各等分

右同為末每服三錢新汲水調下得吐即效未知
再作

解毒圓治誤食毒草并百物毒救入於必死

板藍根

西兩乾者
淨洗日乾

貫衆

一兩剉
去土

青黛

研

甘草

生各
一兩

右為末蜜丸梧子大以青黛別為衣如稍覺精神

恍惚惡心即是誤中諸毒急取藥十五丸爛嚼用

新水送下即解此方傳得異人京師陳道士用水

浸炊餅為丸尤妙如常服可三五圓大解暑毒

凡中毒嚼生黑豆不腥嚼白礬味其者皆中毒无疑

青黛雄黃散凡始覺中毒及蛇虫咬癰疽繞作即服

血令毒氣不聚

上好青黛

雄黃

等分

右為細末新汲水調下二錢

蛇虫傷治法

白芷散治惡蛇咬傷頓化不可療者

香白芷

右一味為末水調下頃刻咬處出黃水盡腫消皮合

白礬半夏散治蝎螫痛不可忍

白礬

半夏 各等分

右為細末嚴醋調貼之

五絕治法

凡屬寐產乳自縊墮溺五者令人卒死謂之五絕
坐夏散治屬寐卒死及為墻壁竹木所壓水溺金瘡
卒致悶絕產婦惡血衝心諸暴絕證

半夏

七次湯洗去滑不拘多少

右為末每一大豆許吹鼻中即活但心頭溫者一日可活

牡丹散治產乳血暈悶絕狼狽若口噤則拗開灌之必效
方見婦人門

救自縊法

徐徐抱解不得截繩上下安被貼之一人以脚踏其兩肩手少挽其髮常弦絃勿縱之一人以手按據背上數動之一人摩將臂脛屈伸之若已強但漸屈之并按其腹如此一炊頃氣從口出呼吸眼開而猶引按

莫置亦勿苦勞之須臾可少挂湯及粥清含與之令
濡喉漸漸能嚥乃稍稍止耳內冷兩人以管吹其兩
耳亦好此法最善无不活者自且至暮雖冷亦可暮
至且少難

救歷死方

以死人安者將手袖掩其口鼻眼上一食頃活眼開
仍與熱小便若初覺氣絕而不能言可急劈口開以
熱小便灌之打撲悶絕者亦用此
夫歷死折傷唯禮法君子守巖牆無堂之戒固无是
事然安車良馬時有跌足奔輪步砌臨流未免虛舟

飄瓦况行商征賣捕獵魚人歷涉既多不測尤甚其
如窳讎加害凶險劫持打撲金瘡皆致在夫治之不
可不急也

雞鳴散治從高墜下及木石所迫凡是傷損血瘀凝
積氣絕欲死并久積瘀血煩躁疼腫叫呼不得並
以此藥利去瘀血即愈此藥能推陳致新方見折傷門

大嶽活血丹治男子婦人外傷內損狗咬虫傷驢馬
撲墜手足傷折一切疼痛腹中瘀血剌腸築心及
左攤右緩走注疼痛癰腫痔漏婦人冷氣入腹血
脉不通產後敗血灌注四肢吹姪腫痛並運服之

花桑枝

取如臂大者以炭火煨赤煙盡
滓於米醋中取出焙乾一斤
栗楔一斤

中心扁蒲者細墨半斤
用草麻三兩乳鉢內
薄切曬乾細研塗墨上塗盡用薄紙裹黃

泥固濟令乾以火五七斤煨通赤冷地上盆

蓋兩炊久半用醋化硃砂二兩塗盡炙乾

皂角刺一斤燒通赤米大黑豆一升濕布揩去

亂髮二斤炒頻捻看脆即止乳香四兩滴乳通

醋一椀
熬熟

右六味為末入乳香膏內和杵三片下丸如彈子

大如乳香少更入醋糊痛者一服一丸輕者半丸

以無灰酒一盞乳香一豆大先磨香盡次磨藥盡

煎三五沸臨卧時溫服以痛處就床卧如欲出汗

以衣被覆仍用藥塗磨損處忌一切動風物應婦
人諸疾服者更用當歸末一錢依法煎服有孕不
得服

接骨散治跌撲脚手脛骨脆折

水蛭不拘多少

右於新瓦上熬令香熟勿令太過為末每服一錢

熱酒調仍入麝香半錢服折處不可手觸藥行良

久覺痛折處漸痒如蟻嗜之遂要人捻揉骨折處

相接即用杉木夾縛兩三日去之骨全矣

花藥石散治一切金瘡打撲傷損猫犬咬傷
方見失血門

救溺死法

竈中灰 兩石

右以灰堆聚急將溺者埋灰中從頭至足水出即活

驚悸證治

夫驚悸與怔忡二證不同驚悸則因事有所大驚或問虛響或見異相登高涉險夢寐不祥驚忡心神氣與涎鬱遂使驚悸名曰心驚膽寒在心膽經屬不內外因其脉必動怔忡則因汲汲富貴戚戚貧賤久思所愛遽失所重觸事不意氣鬱涎聚遂致怔忡在心

問當作聞

脾經意思所主屬內所因或冒寒暑濕寒閉諸經令人忽忽若有所失恐恐如中人將捕中腕必悸此乃外邪非因心病况五飲停畜閉於中腕最使人怔忡治屬飲家除飲悸與外內因所治各見本門驚悸治方備列于后

溫膽湯治心膽虛怯觸事易驚或夢寐不祥或異象惑遂致心驚膽曠氣鬱生涎涎與氣搏變生諸證或短氣悸之或復自汗四肢浮腫飲食无味心虛煩悶坐卧不安

半夏 湯洗 七次

竹茹

枳實

麩炒去穢 各二兩

橘皮

三兩 去白

甘草 炙一兩 白茯苓 半兩

右為剉散每服四大錢水一盞半姜五片棗一個煎七分去滓食前服

鎮心丹 大治驚悸 方見顛癩門

定志圓 治心驚膽懾 方見健忘門

寒水石散 治因驚心氣不行鬱而生涎涎結為飲遂為大疾忪悸憤懣不自勝持少小遇驚尤宜服之但中寒者不宜服

寒水石 煨 滑石 水飛各壹兩 甘草 生一分

右為末每服二錢熱則新汲水下怯寒則煎姜棗

湯下入龍腦少許尤佳小兒量歲與之

自汗證治

夫自汗多因傷風傷暑及喜怒驚恐房室屢勞皆能致之无問昏醒浸浸自出者名曰自汗或睡著汗出即名盜汗或云寢汗若其飲食勞役負重涉遠登頓疾走因動汗出非自汗也人之氣血猶陰陽之水火平則寧偏則病陰虛陽必湊故發熱自汗如水熱自湧陽虛陰必乘故發厥自汗如水溢自流考其所因風暑涉外喜怒驚恐涉內房室屢勞涉不內外理亦甚明其間如歷節腸癰脚氣產蓐等病皆有自汗治

之當推其所因為病源无使混濫如經脉別論所載
但原其汗所出處初非自汗證也不可不知

正元散治下元氣虛臍腹脹滿心脇刺痛泄利嘔吐
自汗陽氣漸微手足厥冷及傷寒陰證霍亂轉筋
久下冷利少氣羸困一切虛寒並宜服之常服助
陽消陰正元氣溫脾胃進飲食

- | | | | |
|-----|------|----|----|
| 人參 | 白茯苓 | 白朮 | 黃芪 |
| 甘草炙 | 烏藥去木 | 山藥 | 附子 |
| 川芎 | 乾葛 | 桂心 | 烏頭 |
| 紅豆炒 | 乾姜炮 | 橘皮 | |
- 各一兩 各二兩 各半兩 各一兩 各半兩 各半兩 各半兩 各半兩

右為末每服二錢水一盞姜三片棗一箇鹽少許
煎七分食前冷服自汗加浮麥

牡蛎散治諸虛不足及新病暴虛津液不固體常自
汗夜卧即甚久而不止羸者枯瘦心忪驚惕短氣
煩倦

- | | | |
|-------------------------|-----|--------------------|
| 牡蛎 | 麻黃根 | 黃芪 |
| <small>米泔浸去土煨取粉</small> | | <small>各一兩</small> |
- 右為散每服三錢水一盞半小麥百餘粒同煎
至八分去滓不拘時一方為細末每三錢水三盞
葱白三寸煎一盞半分三服

麥煎散治榮衛不調夜多盜汗四肢煩疼飲食進退

肌瘦面黃

秦艽 二兩

柴胡 去苗 二兩

大鱉甲

二兩醋煮三五沸淨
去裙襴別用醋塗灸黃

乾漆 炒青 煙盡

人參

茯苓

乾葛

川烏

炮去皮尖 各一兩

玄參 三兩

右為末每服二錢先用小麥三七粒煎湯一盞去

麥入茶煎七分食後溫服或臨卧服如久患後亦

宜服此以退其勞倦調理經絡

桂枝湯治傷風自汗方見傷風門

却暑散治傷暑自汗方見傷暑門

防己黃芪湯治傷濕自汗方見傷風濕寒門

止汗濕粉

用川芎白芷藁本為末各一分入米粉三分綿裹撲於身上

消渴叙論

夫消渴皆由精血走耗津液枯乏引飲既多小便必利寢衰微肌肉脫剝指脉不榮精髓內竭推其所因涉內外與不內外古方不原病本但出禁忌似屬不內外因茶中乃用麻黃遠志得非內外兼并况心虛煩悶最能發渴風寒暑濕病冷作熱入于腎經引水自救皆明文也不知其因施治錯謬醫之大患不可

云知

三消脉證

渴病有二曰消渴消中消腎消渴屬心故煩心致心
火散蔓渴而引飲經云脉軟散者當病消渴諸脉軟
散皆氣實血虛也消中屬脾瘴熱成則為消中消中
復有三有寒中熱中強中寒中陰勝陽鬱久必為熱
中經云脉洪大陰不足陽有餘則為熱中多食數溲
為消中陰狂興盛不交精泄則為強中三消病至強
中不亦危矣消腎屬腎盛壯之時不自謹惜快情縱
慾極意房中年長腎衰多服丹石真氣既喪石氣孤

立唇口乾焦精益自洩不飲而利經云腎實則消不
渴而小便自利名曰消腎亦曰內消

三消治法

真珠圓治心虛煩悶或外傷暑熱內積愁煩酣飲過
多皆致煩渴口乾舌燥引飲无度小便或利或不
利

- 知母 一法 一兩 川連 去毛 一兩 苦參 一法 一兩 玄參 一法 一兩
- 鐵胤粉 兩一分 牡蛎 煨 一分 朱砂 別研 二兩 麥門冬 去心 二兩
- 天花粉 各半 金箔 銀箔 二伯片 一法 白篇 豆莖 去皮 一兩
- 右為末煉蜜入生栝樓根汁少許丸如梧桐子大

用金銀箔為衣每服二十九至三十九先用枯樓根汁下一服次用麥門冬熟水下病退日貳服忌炙煨酒色次投茯苓圓補

茯苓圓

- 茯苓 酒浸
- 磁石 煨焯
- 熟地黄
- 山茱萸
- 桂心 炒
- 山棗 炒
- 牛膝 酒浸
- 茯苓
- 黃芪 鹽湯浸
- 澤瀉
- 鹿茸 去毛切
- 遠志 去心炒
- 石斛
- 覆盆子
- 五味子
- 草薺
- 破故紙 炒
- 巴戟 酒浸
- 兔絲子 酒浸
- 龍骨
- 杜仲 去皮剉姜汁製
- 附子 炮去臍一箇重六錢

右為朱蜜丸如梧子大每服五十丸空腹米飲下
 姜粉散治消中多因外傷癰熱內積憂思喜啖鹹食
 及麪致脾胃乾燥飲食倍常不為肌膚大便反堅
 小便无度

生薑 研汁 輕粉

右搜勻每服二錢匕長流水調下齒浮是效次投猪肚丸補

附子猪肚丸

- 附子 炮去皮臍
- 檳榔 不煨各一兩
- 鱉甲 醋煮各兩半
- 當歸
- 知母
- 木香 炮
- 川練 剉炒
- 秦艽 去苗土

大黃 酒蒸 龍膽草 白芍藥 破故紙 酒浸炒

枳殼 麩炒去穢 各半兩

右為末分作三分將一分入豬肚內縫定令蜜酒三升童子小便五升同入砂鉢內熬乾爛研細入一分末同搜搗為圓如梧子大每服五十圓溫酒米湯下

烏金散

治熱中多因外傷燥熱內用意傷脾飲啖肥膩熱積胸中致多食數洩小便過於所飲亦有不渴而飲食自消為小便者

黃丹 炒

細墨 燒各一兩

右研勻每服三錢食後先用水一兩枕漱口待心中熱索水便以冷水調下

爛金圓

治熱中消渴止後將補精血益諸虛解勞倦去骨節間熱寧心強志安神定魄固臟腑進飲食免生瘡瘍

大豬肚 一个

黃連 三兩

蜜

生姜 各二兩研

先將豬肚淨洗復以葱麩醋椒等洗控乾用藥同水酒入銀石器內煮半日漉出黃連洗去蜜酒令盡剉研為細末再用酒調成膏入先洗豬肚內縫定入銀石器內水熬爛研為膏搜下項藥

人參 二兩 黃芪 四兩 五味子 山藥

杜仲 去皮剉姜汁 淹炒絲斷 山茱萸 石斛

車前子 驚甲 醋灸 熟地黄 新蓮肉 皮去

當歸 各二 槐角子 炒 白茯苓 磁石 煨碎 各

川芎 一兩 沉香 半兩 麝香 一錢 別 兔絲子 酒浸 溫

右為末用猪肚膏搜和得所膏少則添熟蜜杵數

千下圓如梧子大食前溫酒糯米湯任下五十圓

一法有白朮二兩陽起石一兩

石子齊危湯治強中多因耽嗜色慾及快意飲食或服丹真氣既脫蒸氣陰發致煩渴引水飲食倍常

陰器常與不交精出故中焦虛熱注於下焦三消之中最為難治

齊危 石膏 各三兩 人參 茯苓

括樓根 磁石 煨碎 知母 乾葛

黃芩 甘草 各二兩

右為剉散每用水三盞腰子一箇去脂膜黑豆一合煮至盡半去腰子大豆入茶四錢煎至七分去滓食後服下焦熱則夜間服渴止勿服次投補藥黃連猪肚圓治強中消渴服石子齊危湯差退可服此補養

黃連去鬚 梁米 枯樓根 茯神各四兩

知母 麥門冬去心各二兩

右為末用大猪肚洗極淨入茶末縫定甑中炊極爛取出茶別研猪肚為膏搜前藥得所乾即添少蜜杵數千下圓如梧子大飲服五十九食前服

胡桃圓治消腎亦云內消多因快情縱慾極意房中
年少懼不能房多服丹石及失志傷腎遂致唇口
乾焦精溢自出或小便赤黃五色浮濁大便燥實
小便大利而不甚渴
白茯苓 胡桃肉湯去薄皮別研 附子大者一枚去皮臍切作片生薑汁一盞蛤粉一分同煮乾焙

右等分為末蜜丸如梧子大米飲下三五十丸或為散以米飲調下食前服

古瓦湯治消腎消中飲水无度小便頻數

乾葛 天花粉 人參 雞胫脰淨洗焙乾各等分
右為末每服二大錢用多年古瓦碾碎煎湯調下不以時候服

鹿茸圓治失志傷腎腎虛消渴小便无度

鹿茸去毛切灸三分 麥門冬去心二兩 熟地黄 黃芪
雞胫脰麩炒 菴蓉酒浸 山茱萸 破故紙炒
牛膝酒浸 五味子各三分 茯苓 玄參

地骨皮各半 人參三分

右為末蜜圓如梧子大每服三十圓至五十圓米湯下

遠志圓治心腎虛煩渴引飲胃間短氣小便自利白

濁泄遺

人參 白茯苓 川姜炮各半兩 牡蛎煨取粉

遠志去心姜汁製炒各一兩

右為末用菴蓉一兩酒熬成膏圓如梧子大每服五十圓糯米湯下

六神湯治三消渴疾

蓮房 乾葛 枇杷葉去毛 甘草炙

枯樓根 黃芪各等分

右為剉散每服四錢水一盞煎七分去滓溫服小便不利加茯苓

子童桑白皮湯治三消渴病或飲多利少或不飲自

利肌膚瘦削四肢倦怠常服補虛止渴利

童根桑白皮即未多成者去粗皮日乾不焙 茯苓

人參 麥門冬去心 乾葛 乾山藥

桂心各一兩 甘草半兩生用

玄兔丹治三消渴利神藥常服禁精止白濁延年

鬼絲子 酒浸通軟乘濕研 白茯苓

乾蓮肉 各三 五味子 酒浸別為末稱七兩

右為末別碾乾山茶末六兩將所浸酒餘者添酒

煮糊搜和得所搗數千杵丸如梧子大每服五十

丸米湯下空心食前服

梅花湯治三消渴利神

糯穀 旋炒作爆蓬 桑根白皮 厚者切細等分

右每用秤一兩許水一大椀煮取半椀渴則飲不

拘時

猪脊湯治三消渴疾

大棗 四十九枚去皮核

新蓮肉 四十九粒去心 西木香 一錢半

甘草 二兩

右用雄猪脊骨一尺二寸同煎藥用水五椀於銀

石器煮去肉膏瀝滓取汁一椀空腹任意呷服忌

生冷鹽葷等物以滓減去甘草一半焙乾為末米

湯調服不以時

八味圓治消渴小便多以飲水一斗利小便反倍之

澤瀉 茯苓 牡丹皮 各三 桂心

附子 炮去皮臍各二兩 山茱萸 山萸 各四 熟地黃 八兩

右為末蜜丸梧子大每服五十丸米湯下食前服

文蛤散治渴欲飲水不止

文蛤 即五倍子最能回津本草在海
蛤文甚失其性識者當自知之

右一味為末以水飲任調方寸匕不以時

烏梅木瓜湯治酒食過度中焦蘊熱煩渴枯燥小便

併多遂成消中兼治瘴渴所謂瘴渴者北人往南

方瘴地多有此疾

木瓜乾 烏梅 打破不
去仁 麥蘖炒 甘草

草薹 去皮各
半兩

右剉散每服四大錢水盞半姜五片煎七分去滓
不以時候

羊乳圓治嶺南山瘴風熱毒氣入腎中變寒熱脚弱

虛滿而渴

黃連 不拘多
少為末 生栝樓根汁 生地黄 取汁

羊乳 五羊乳牛乳
人乳亦得

右以三升搜和為丸如梧子大每服米飲下三五
十圓一法濃煮小麥粥飲下

渴疾有人依山谷方單用兔絲子酒浸透直抄服

甚効亦有將黃芪陸兩甘草一兩作六一湯服之

尤効又滑人病愈須預防發癰疽宜服忍冬圓

忍冬草 不以多少根莖花葉皆可用一名老翁鬚
一名蜜嚼花一名金銀花以洗淨用之

右以米麴酒於瓶內浸以糠火煨一宿取出曬乾
入甘草少許為末即以所浸酒為糊圓如梧子大
每服五十圓至百丸酒飲任下不以時此茶不特
治癰亦能止渴并五痔諸漏

麥門冬煎治諸渴

麥門冬 去心

人參

黃芪

各二兩

白茯苓

山茱萸

山藥

桂心

各一兩半

黑豆

三合煮去皮別研

右為末地黃自然汁二椀牛乳二盞熬為膏圓如
梧子大麥煮飲下五十圓

竹龍散治消渴

五靈脂 半兩

黑豆

半兩生去皮

右為末煎冬瓜子湯調下二錢

澄源丹治三消渴疾神效

牡蛎粉

苦參

蜜陀僧

知母

水銀

以白蠟半錢結沙五味各一兩

枯樓根

半兩

黃丹

一兩與水銀沙同研

右為末男子用雌猪肚一箇女人用雄猪肚一箇
入藥在內以線縫定用繩縛在新塼上別用生枯
樓根半斤切碎同煮早晨至午時取藥出不用枯
樓根只爛研猪肚和藥為丸如梧子大每服三十
粒食前米湯下日三服十日可去病根

料簡

或云渴无外所因且傷寒脉浮而渴属太陽有汗而渴属陽明自利而渴属少陰及陽毒傷寒倍重燥盛而渴甚者有中暑伏熱累取不差而渴者有瘴毒氣染寒熱而渴者得非外因治法如傷寒論中不復繁引酒煮黃連元浴中暑熱渴最妙又有婦人產後去血過多而渴者名曰血渴非三消類不可不審

五疸叙論

古方叙五種黃病者即黃汗黃疸谷疸酒疸女勞疸是也觀別錄則不止於斯然疸與黃其實一病古今

肌當
作飢

立名異耳黃汗者以胃為脾表属陽明蓋熱喜自汗汗出因入水中熱必鬱故汗黃也黃疸者此由暴熱用冷水洗浴熱留胃中所致以與諸疸不同故用黃字目之又云因食生黃放氣上薰所致人或疑其不然古賢豈妄詮也必有之矣谷疸者由失肌發熱大食傷胃氣衝鬱所致酒疸者以酒能發百脉熱由大醉當風入水所致女勞疸者由大熱交接竟入水水流湿入于脾因腎氣虛勝以所勝尅入致腎氣上行故有額黑身黃之證世謂脾胃病者即此證也其間兼渴與腹脹者並難治發於陰必嘔發於陽則

黃疸

五

振寒面微熱雖本於胃氣鬱發土色上行然發於脾則為肉疔發於腎則為黑疽若論所因外則風寒暑濕內則喜怒憂驚酒食房勞三因悉備世醫獨麗於傷寒論中不亦濫矣學者宜識之

黃汗證治

病者身體腫發熱不渴狀如風水汗出染衣色正黃如蘼汁名曰黃汗

桂枝加黃耆五兩湯治黃汗身腫汗出已輒輕久必身攣胃中痛腰以下无汗腰臆痠痛如有物在皮中剝者不能食煩燥小便不利

桂枝 去皮

芍藥 各二兩

甘草 二兩炙

黃芪 五兩

右為剉散每服四錢水盞半姜五片棗三枚煎七分去滓溫服仍飲熱粥以助藥力溫覆取微汗未汗又服

黃芪苦酒湯治身體洪腫發熱自汗汗如蘼汁其脉

沉

黃芪 五兩

芍藥 三兩

桂心 三兩

右為剉散每服四錢苦酒三合水一盞半煎至七分去滓不以時服初服當心煩以苦酒阻故也至六七日稍自愈

病者發黃身面眼悉黃如金色小便如濃煮藥汁名曰黃疸

麻黃醇酒治傷寒瘀血不解鬱發於表發為黃疸其脈浮緊者以汗解之

麻黃 三兩去節

右一味以醇酒五升煮取二升每服一盞溫服汗出愈秋冬用酒煮春夏用水煮

谷疸證治

病者發黃肉熱食則腹滿眩暈谷氣不消胃中苦濁

濁一氣下流小便不通陰被其寒熱流膀胱身體盡黃名曰谷疸

谷疸圓治胃蓄瘀熱氣濁食谷不消大小便不利脹滿不下食跌陽脈緊而數亦治因勞發熱熱鬱發黃

苦參 三兩 龍膽草 一兩 梔子 去皮炒 人參 三分

右為末以猪膽汁入熟蜜少許搜和丸如梧子大以_二大麥煮飲下_三五十九丸_四日_五三_六不知_七猶加_八之

紅圓子最治谷疸用生姜甘草湯下_{方見霍亂門}

酒疸證治

五疽唯酒疽變證最多蓋酒之為物隨人性量不同有盈石而不醉者有濡吻而輒亂者以醞釀而成有大熱毒滲入百脉為病則不特發黃溢于皮膚為黑為腫流于清氣道中則眼黃鼻癰種種不同故方論中酒疽外有肉疽黑疽癰疽勞溢乃至令人恍惚失常等數證不同

半夏湯治酒疽發黃身無熱靖言了了腹滿欲嘔心煩足熱或成癰癬心中惛憊其脉沉弦或緊細

半夏

洗去滑

茯苓

白朮

各三兩

前胡

枳殼

麩炒去穢

甘草

炙

大戟

炒各二兩

黃芩

茵陳

當歸

各一兩

右為剉散每服四大錢水一盞半夏三片煎七分去滓空腹服

二石散治肉疽飲少小便多如白泔色因酒所致其

脉弦滑

凝水石

煨水飛

白石脂

煨

括樓根

桂心

各一分

兔絲子

酒浸別研

知母

各三分

右為末每服二錢太麥飲調下

白朮湯治酒疽因下後久久為黑疽目青面黑心中

如啖韭菹狀大便正黑皮膚不仁其脉微而數

桂心

白木 各一兩

枳實 麩炒去穢

京豉

乾葛

杏仁

甘草 各半兩

右為剉散每服四錢水一盞煎七分去滓食前服

當歸白木湯治酒疸發黃結飲癖在心胸間心下縱

橫堅滿骨肉沉重逆害飲食小便赤黃此由本虛

飲食生冷與脾胃痰結所致其脉弦濇方

白朮

茯苓 各三兩

黃芩

茵陳

各一兩

前胡

枳實 麩炒去穢

甘草 炙

杏仁

麩炒去皮 尖各二兩

半夏

湯洗七次 二兩半

右剉散每服四大錢水二盞姜七片煎七分去滓

食前服

人參飲治飲酒房勞酒入百脉令人恍惚失常

人參

白芍藥

栝樓根

枳殼 麩炒去穢

茯苓

酸棗仁

甘草 炙各一兩

熟地黄 二兩

右剉散每服四大錢水一盞煎七分去滓食後臨

卧温服

如神散治酒毒不散發黃久久浸漬流入清氣道中

宜引藥內鼻滴出黃水愈

苦瓠子 去皮

苦胡蘆子 去皮各三七个

黃黍米 三伯粒

安息香 二皂子大

右為末以一字搐入鼻中滴出黃水一二升忌勿
吹或過多即以黍穰燒灰麝香末各少許搐鼻立
止

女勞疸證治

夫交接輸瀉必動三焦上焦屬心中焦屬脾下焦屬
腎動則熱熱則慾火熾因入水中中焦熱鬱故能發
黃下焦氣勝故額黑上焦走血隨瘀熱行大便溏黑
貴勝人有男女同室而浴者多成此病攝生之人不
可不知

滑石石膏散治女勞疸身黃額黑日晡發熱惡寒小

腹急足下熱其脉浮緊腹或痛者難治

滑石

石膏

煨各
等分

右為細末以大麥粥飲調下二錢匕日三四小便
極利則差

消石礬石散治女勞疸其腹臙脹膀胱急欲作水狀

大便黑者非水其脉滑腹滿者難治

消石

煨汁
盡

礬石

煨汁
盡

右為末每服二大錢大麥汁調下日三重衣覆取
汗病隨大小便出大便黑小便黃是効

雜勞疸證治

五疽之外有時行瘡瘡風寒暑濕等證疽不同

茵陳梔子圓治時行病急黃及瘡瘡疫癘

茵陳 梔子去皮尖 芒消 杏仁去皮尖炒

豆豉二分半湯浸軟別研 恒山 鱉甲醋炙各半兩

巴豆去皮壓去油一分 大黃蒸一分

右為末錫飴為丸如梧子大每服三九飲下吐利為效未_レ知加_一丸覺體氣有異急服之妙

艾煎圓治因傷風癢熱不解發於風疽舉身皆黃小便或黃或白寒熱好卧不欲動其脉陽浮陰弱

生艾三月採一束搗取汁銅器煎如膏 大黃蒸 黃連炒

括樓根 疑水石煨 苦參 葶藶各等分

右為末以艾膏和得所丸如梧子大初服六七九漸加至二十九有熱加苦參濕加括樓根小便澁加葶藶小便多加凝水石小便白加黃連大便難加大黃所加並倍之

五苓散治伏暑鬱發黃小便不利煩渴用茵陳煎湯調下方見傷暑門

礬石滑石散治濕疽始得之一身盡疼發熱面色黑

黃七八日後壯熱熱在裏有血下如狹肝狀小腹滿者急下之身自盡黃小便不利其脉沉細

礬石

煨

滑石

各等分

右為末每服二大錢大麥粥飲調下日三服食前
便利如血者效或汗愈

苦參散

治人無漸忽然振寒皮膚麤塵出小便赤澀
大便時秘氣無異食飲不妨服諸湯不除因為久

黃方

苦參

黃連

枳實

黃蘗

去皮

大黃

蒸各一分

葶藶

炒半兩

右為細末每服一大錢飲調服當吐下隨時消息

加減

小半夏湯治黃疸小便色不異欲自利腹滿而喘者

不可除熱熱去必噦

半夏

湯洗七次

右為剉散每服三錢水二盞姜十片煎七分去滓
不以時候服

養榮湯治五疳脚弱心忪口淡耳響微寒發熱氣急

小便白濁

當作虛勞治之

方見虛損門

三因極一病證方論卷之十

